

Gou Gingqboiq Daxmeh

Youq ndawbiengz raeuz, haujlai vunz cungj miz gij cingsaenz hawj vunzraeuz gingqboiq haenx: Gangj vah suenq vah, gyaenz caemhyiemj, maij bang vunz……Daxmeh gou hix dwg boux hawj gou gingqboiq dangqmaz ndeu, neix aenvih de dabsaed gaenxgyaek guhhong.

Daxmeh dwg guh gij hong doenghgi yienjen gai okbae le, gvaqlaeng bauj coih ndei, langh nyaengq couh mbouj hwnz mbouj ngoenz. Doenghgi yihyen hunghung iqiq ciengzciengz dwk dienhvah daeuj heuh daxmeh bang gajgez gij yienjen ok vwndiz de, ngoenzciet ngoenz-cuengqgyaj hix baenzneix.


Neix gangj bi'gvaq haemh-ndaep gwn caeuzndaep le, gou caeuj daxgoeng, daxbuz, daxboh senq naengh youq baihnaj densi, caj cunhvanj cezmu z daengz. seizde, daxmeh cie p aen dienhvah ndeu, liuxcix naeuz bae cawqleix di vwndiz, guh sat le caiq ma caeuj dou

doengzcae z yawj densi. Cezmu z hainduj yienj lo, ndei yawj dangqmaz, gou mbouj siengj ning ndang, couh gek geij aen rug heuh daxmeh geij mbat, danhseih mbouj raen han saek sing, dou geij boux cungj laihnaeuz de ninzdaek lo.

Danhseih, gou yawj densi liux le, lwgda mumjgyumq byaij haeuj ndaw rug bae, seizhaenx gou doeksaetyat, gou ndaejnyi sing roq yiengj “dad dad dad”, gou bae z yawj, yo! Daxmeh vanzlij dwk dennauj nyaengq guhhong ne! Mwnz yawj, de song da cim yawj bingzmu, da cungj mbouj yaep, song fwngz dwk genbanz riengjrit, lumj-baenz aen gihgi guhhong yauliz sang dangqmaz nei. Yawj yaep ndeu, gou gag raen daraiz gyaеu jgunh, danhseih daxmeh lumjnaeuz mbouj rox baeg nei, cungj mbouj dingz saek yaep, soh dwk genbanz, diemj sujbyauh. Gou youq henz ndang de, de hix mbouj yawj gou saek mbat. De caem haeuj ndaw hong bae laeg lai lo! Dangseiz,

gou boux vunz guhhong mbouj ciensim neix ndawsim fug daxmeh dangqmaz. Gou gag ngeix: Ngoenzneix dwg ngoenzndaep, bonjlaiz dwg ngoenz youq soeng gvaq angq, danhseih daxmeh vanzlij itsim haenqrengz guhhong, youq ndaw mbanj, wnggai mbouj miz bouxlawz lumj daxmeh baenzneix nyinhcaen guhhong luba! Cungj cingsaenz gingqnieb neix caen dwg cungj doenghyiengh dijbaui he ha.


Ngoenz daihngeih gou cam daxmeh, yienghneix gyaban gyadiemj guhhong naet mbouj? Daxmeh riu naeuz: “Haengjidingh naet ha! Danhseih gou langh mbouj gibseiz cawqleix gij vwndiz haenx, miz di hidungj ndaw yihyen couh mbouj ndaej cingqciengz guhhong, yienghneix canghyw hai mbouj ndaej dan yw, bouxfatyw couh mbouj rox baenzlawz fat yw, bouxbingh couh mbouj ndaej aeu yw. Langh baenzneix couh deng luenh caez bw! Ndigah, lai dwgengz di hix guh ndaej dij bw!” Gangj le, de najriu



hozhai.

Neix couhdwg daxmeh gou hawj gou gingqboiq haenx, de ciengxlwenx cungj mbouj lau dwgengz, nyinhcaen guhhong gag ndaej sim'angq.

(Sih Swngcwz/施圣哲)



Goengqbya Gyae

Gou caen siengj bae daengz gwnz dingjbya ceiq gyae ceiq gyae de bae!

Haetromh, gizde miz haujlai fwjgyaepbya, gou iet fwngz cix mbaet ndaej. Gou yaek mbaet haujlai fwjgyaepbya dauqdaej, venj youq gwnz bya gizneix, yienghneix ndoibya baihneix couh lai gyaunde i lo.

Gyanghaemh, gizde miz haujlai ndaunde i q, gou iet fwngz couh mbaet ndaej. Gou yaek mbaet haujlai ndaunde i q dauqdaej, venj youq gofaex gizneix, yienghneix ndoengfaex gizneix cix lai gyaunde i lo.

Beixmbauq riu gou huk, naeuz yangmbwn gizde sangngaungau.

Guhlawz sangngaungau bae ne? Mwnz yawj ha, miz mbanj ndaunde i q gizde, liz gwnz dingjbya lij sang mbouj gvaq gou bw! Miz mbanj ndaunde i q sang de, gou ndwn youq gwnz daengqej goj mbaet ndaej lo.

Gou caen siengj bae daengz gwnz dingjbya ceiq gyae ceiq gyae de bae!

(Daj《Bonjsei Sim Lwngnyez》(Veiz Gizlinz raiz) senj okdaej, Lwgfwnzme h(Luz Fwncangj)/卢奋长 hoiz)

Meuziq Cat Heuj

Moulaux hai aen diemq gai gaiqcatheuj ndeu, bakdou nem miz mbaw gvangigau ndeu:

Gaiqcatheuj bwnmou, cizlieng daih' it, bae z cat couh hau.

Yawj, duzciengh daeuj lo, moulaux gwed gaiqcatheuj ceiq rae z daeuj hawj duzciengh.

“Docih!” Duzciengh hab' eiq dwk bae lo.

Meuziq hix daeuj cawx gaiqcatheuj hung, moulaux naeuz: “Bak mwnz iq, cawx gaiq catheuj iq cij ngamj mwnz ne!”

Meuziq ma ranz couh cat heuj, cat ya cat, heuj ok lwed lo, hwk ndaej de muengz bae ra moulaux: “Bohlungz mou, gaiqcatheuj mwnz mbouj ndei.”

Moulaux naeuz: “Dwg gij fuengfap cat heuj mwnz mbouj deng.”

A, laxlawz dwg yienghneix: Heuj baihgwnz daj baihgwnz cat coh baihlaj; heuj baihlaj daj baihlaj cat coh baihgwnz, ndawndaw rogrog cungj aeu cat.

Meuziq yawj duzmou son cat heuj bae z youh bae z: “Gou rox lo.” De ma daengz ranz, cat ya cat, hi, baenzlawz cat mbouj ok bophau ya? De youh buet bae ra moulaux: “Gaiqcatheuj mwnz mbouj ndei, cat mbouj ok bop ne!”

Moulaux bae z dingq, riuriu: “Mwnz mbouj yungh yazgauh.”

“Deng, gou lumz lo!” Meuziq mbouj-

eiqseiq dwk iet linx, cawx ci yazgauh ndeu.

Meuziq yungh yazgauh daeuj cat heuj, hoeng daengx bak niunangnang, lijdwg mboujmiz bop.

“Haha, lwghuk!” Duzciengh yungh ndaeng de byoq di raemx coh ndaw bak meuziq. A, miz bop lo. Bop yied daeuj yied lai, meuziq yied cat yied angq.

Daj baezhaenx hwnj, seiz gaeqboux haen' oo, meuziq couh hwnqcong z cat heuj.

Hoeng, gvaq geij ngoenz, meuziq sawqmwh heuj in lo, naj hix gawh lo. De hujdengdeng bae ra moulaux: “Gaiqcatheuj mwnz di cungj mbouj ndei.”

Moulaux bae z yawj, heuj meuziq baenz heujnengz lo. Vihmaz baenzneix ne? Moulaux gaeugaеu gyaеu j: “Gou rox lo, mwnz ngoenznaengz gaemh duznou ba?”

“Dwg ya!” Meuziq ngaekngaek gyaеu j.

“Mwnz gwn duznou le, cat heuj lwi?” Moulaux cam.

“Mbouj!”

“Ei, ninz gaxgonq gwn doxgaiq itdingh aeu cat heuj, mboujnex, heuj couh baenz nengz lo.”

“Laxlawz dwg yienghneix.” Heujnengz meuziq bouj ndei le, moix ngoenz yanghwnz gwn duznou le, cungj dwg cat heuj le cij ninz, doeklaeng heuj cungj gig ndei.

(Mungz Ningz/蒙宁 daj gojgaeq lwg-nyez fanhoiz)

